

高燾戶禮詰

卷一之二



07685

高煥戶德
詰二十齋



光緒四年
授經南重刊



春秋左傳詁序

余少從師受春秋左氏傳卽覺杜元凱于訓詁地理之學殊疎及長博覽漢儒說經諸書而益覺元凱之注其望文生義不臻古訓者十居五六未嘗不歎漢儒專家之學至孫炎僻夏章昭唐固之後法已盡亡自魏受禪至晉平吳之歲不及百年戎馬倥傯著書者漸少輔嗣旣啓空疎之習子雍復開飾僞之門而孔門之弟子門人一綫相承不絕如縷者至此始斷而不克續矣然又竊怪元凱雖無師承然其時精輿地之學者裴秀京相璠司馬彪之傳尙布列中外卽以訓詁論左氏一經陳元鄭眾賈逵馬融延篤服虔彭汪許淑潁容諸人之說俱在尙精心搜采參酌得

春秋左傳詁序

一

中何至師心自用若此豈平吳之後位望旣顯心跡較麤又一時諸儒學淺位下不復能駁難故耶自此書盛行千六百年雖有樂遜序義劉炫規過之書不能敵也況今日去劉炫等又復千載其敢明目張膽起而與之爭乎然以後人證前人之失人或不信之以前人以前之人正前人之失則庶可釐然服矣於是冥心搜錄以他經證此經以別傳校此傳寒暑不輟者又十年分經爲四卷傳爲十六卷遵漢藝文志例也訓詁則以賈許鄭服爲主以三家固專門許則親問業於賈者也掇及通俗文者服子慎之所注與李虔所續者截然而兩徐堅初學記等所引可證也地理則以班固應劭京相璠司馬彪等爲主輔而晉以前

輿地圖經可信者亦酌取焉又舊經多古字古音半亡於
杜氏而俗字之無從鈎校者又半出此書因一一依本經
與二傳暨漢唐石經陸氏釋文與先儒之說信而可徵者
逐件校正疑者闕之大旨則以前古之人正中古之失雖
旁證曲引惟求申古人之旨而已無預焉者也卷中凡用
賈服舊注者曰杜取此用漢魏諸儒訓詁者曰杜本此用
京相馬彪諸人之說者曰杜同此以別之書成合爲二十
卷藏諸家塾以教子弟焉名爲春秋左傳詁者詁古故字
通欲存春秋左傳之古學耳時嘉慶十二年歲在丁卯立
夏日也

卷一

春秋左傳詁序

經 隱公至莊公

卷二

經 閔公至文公

卷三

經 宣公至襄公

卷四

經 襄公二至哀公

卷五

傳 隱公至桓公

卷六

傳 莊公至閔公

卷七

傳 僖公一

卷八

傳 僖公二

卷九

傳 文公

卷十

傳 宣公

卷十一

傳 成公

卷十二

春秋左傳詁目錄

傳 襄公一

卷十三

傳 襄公二

卷十四

傳 襄公三

卷十五

傳 昭公一

卷十六

傳 昭公二

卷十七

傳 昭公三

卷十八

傳昭公四

卷十九

傳定公

卷二十

傳哀公

春秋左傳詁目錄

四

春秋左傳詁卷一

陽湖樊雲吉學

春秋經一

隱公

元年春王正月爾易子夏傳元始也

釋賈逵左傳義云公

羊以魯隱公為受命王黜周為二王後名不正則言不

順言不順則事不成今隱公人臣而虛稱以王周天子

見在上而黜公侯是非正名而言順也如此何以笑子

路率爾何以為忠信何以為事上何以為法何以全身

公羊疏二服虔云孔子作春秋於春每月書王以統三王之

正本疏三月公及邾儀父盟于蔑爾賈服以為儀父嘉隱

春秋左傳詁卷一

公有至孝謙讓之義而與結好故貴而字之善其慕賢

悅讓本疏汲郡古文作魯隱公及邾莊公盟于姑蔑公羊

經穀梁經皆作盟于昧公羊又作邾婁儀父公羊凡邾

婁字陸氏音義云邾人語聲後曰婁故曰邾婁禮記同漢書鄒陽傳作義父顏師古曰

曰儀按文七年先蔑公羊作先昧史記楚世家及屈賈

列傳殺其將唐昧正義昧莫葛反呂氏春秋作唐蔑與此正同

知古文昧蔑通也劉熙釋名盟明也告其事於神明也

詩鄭箋盟歃血盟劉昭郡國志注魯國卞縣南有姑城

此杜同夏五月鄭伯克段于鄆爾馬融尚書注克勝也漢

書地理志陳畱郡偃應劭曰鄭伯克段於偃是也按趙

匡集傳云鄆當作鄆鄭地在緱氏縣西南至十一年乃

屬周左氏云王取鄆劉蔦邗之田于鄭是也傳寫誤爲鄆字今考杜注潁川鄆陵縣既非趙匡以爲當作鄆一無確據又係改字亦非也惟應劭之說最足依據雋縣前漢屬陳畱後漢屬梁國作陽陳畱郡在春秋時大半屬鄭且傳上云至於廩延杜注廩延鄭邑陳畱酸棗縣北有延津廩延至陽既屬順道又渡河至其亦便明克段之地爲陳畱陽縣無疑秋七月天王使宰咺來歸惠公仲子之賵賵賵賵賵云畿內稱王諸夏稱天王夷狄稱天子穀梁疏賵遠春秋三家經訓詁服虔云咺天子宰夫周禮又云賵覆也天王所以覆被臣子本春秋說題詞賵之爲言覆也御覽張揖廣疋釋詁歸死者曰賵按服氏訓當與何休

說合觀休云賵猶覆也蓋謂覆被亡者耳九月及宋人

盟于宿司馬彪續漢書郡國志東平國無鹽本宿國

任姓杜同按司馬彪傳彪撰續漢書在武帝太始中而

預作經傳集解則在太康時預所採地理諸說多與京

相璠司馬彪同預雖與二人同時或其書先出且學又

專門故采用之也冬十有二月祭伯來許慎說穆天子傳作

郊云郊郊公邑按僖二十四年傳胙祭卽此韋昭國語

注祭畿內國名爲王卿士杜本公子益師卒許慎說

文解字大夫死曰焮从夕卒聲按經典皆作卒蓋古文

省

二年春公會戎于潛 夏五月莒人入向世本莒己姓

今誤紀漢書地理志城陽國莒故國沛郡向故國春秋

曰莒人入向姜姓炎帝後京相璠云水經注按下列向京相璠並同

沛國縣今并屬譙國龍亢也杜同無駭帥師入極穀梁

後後同古今賈逵云極戎邑也本疏穀梁傳云極國也表無作亡

按唐十二分野圖極國在費西南又高誘淮南子注展

無駭柳下惠之父也駭駭古字同穀梁即作後秋八月

庚辰公及戎盟于唐郡國志山陽郡方輿有武唐亭

杜同九月紀裂繻來逆女公羊穀梁並作肥履綸按

肥紀字近履綸裂繻音同冬十月伯姬歸于紀紀子

帛莒子盟于密公穀並作紀子伯郡國志北海國濇于有密

鄉杜同十有二月乙卯夫人子氏薨劉賈許穎云日

春秋左傳卷一

月詳者弔贈備日月略者弔有闕釋說文薨公侯卒也

白虎通薨之言奄也奄然亡也釋名諸侯曰薨薨壤之

聲也按小君得從君例故亦曰薨鄭人伐衛傳文及

詩鄭箋有鐘鼓曰伐杜本

三年春王二月己巳日有食之釋文食本或作蝕說文有不宜

有也春秋傳曰日月有食之按有字从月故說文云日

月有食之錢詹事大昕又云日食者月食之也故說文

連言日月三月庚戌天王崩曲禮天子死曰崩說文

崩山壞也釋名天子曰崩崩壞之形也崩礮聲夏四月

辛卯君氏卒公穀皆作尹氏秋武氏子來求賻八月庚辰宋

公和卒冬十有二月齊侯鄭伯盟于石門京相璠

云石門齊地今濟北盧縣故城西南六十里有故石門

去水三百步水經注按濟北無縣春秋時即齊地故京相

璠云云杜注分為二地殊誤癸未葬宋穆公公穀皆作繆史記漢

書亦同按穆繆古字通禮喪服小記序以昭繆鄭氏注

云繆讀為穆諡法布德執義曰穆又中情見貌曰穆

四年春王二月莒人伐杞取牟婁地理志陳畱郡雍丘

故杞國也杜本此世本杞妣姓本疏戊申衛州吁弑其君完

穀梁作祝註賈逵云弑君取國故以國言之本疏按此二

條亦春秋之始例正義言諸弑君者莊公以上皆不書

氏閔公以下皆書氏足申明賈義夏公及宋公遇于清

別本作宋人誤註劉賈以遇者用冬遇之禮本疏京相璠云今濟

春秋左傳詁卷一

四

北東阿東北四十里有故清亭即春秋所謂清者也水經

注郡國志東阿有清亭杜同此宋公陳侯蔡人衛人伐鄭

秋暈帥師會宋公陳侯蔡人衛人伐鄭九月衛人

殺州吁于濮賈逵云濮陳地史記索隱杜取此漢書地理志

東郡濮陽應劭曰濮水東入鉅野杜本此冬十有二月衛

人立晉

五年春公矢魚于棠詩毛傳矢陳也賈逵云棠魯地陳

魚而觀之史記魯世家集解按毛傳及賈並本爾正釋文公

穀作觀魚史記漢書五行志並作觀魚於棠杜取賈說郡國

志山陽郡方輿有武唐亭魯侯觀魚臺杜同此夏四月葬

衛桓公 秋衛師入郕公羊鄭作盛後同郡國志濟北國成

本國劉昭注左傳衛師入郟卽此按前漢濟北國并泰山後漢和帝永元二年復置地理志泰山郡有肥成縣應劭曰肥子國別無所謂成縣也疑郡國志成上脫一肥字昭遂誤以爲春秋時郟國耳水經注所稱京相璠云東郡廩丘縣南三十里有成都故城魏王泰括地志郟城在兗州泗水縣西北五十里山東圖經郟國城在汶上縣北三十里春秋時郟子國若成後漢時作縣則杜注不當云東平剛父縣西南有郟鄉矣然杜以爲郟鄉在剛父縣西南亦微誤九月考仲子之宮初獻六羽服虔云宮廟初成祭之名爲考將納仲子之主故考成以致其五祀之神以堅之本疏邠人鄭人伐宋 螟

爾雅釋蟲食苗心螟舍人云食苗心者名螟言冥冥然

難知也李巡云食禾心爲螟言其姦冥冥難知也杜本

按說文螟蟲食穀葉者與此微不同冬十有二月辛巳

公子彊卒 宋人伐鄭圍長葛京地名云長社北有

長葛鄉水經注郡國志潁川郡長社有長葛城杜同

六年春鄭人來渝平公穀並作輸按廣雅輸更也輸渝

古通用爾疋及虞翻易注渝變也釋文本此桓元年杜

註亦同夏五月辛酉公會齊侯盟于艾 秋七月 冬

宋人取長葛賈服以爲長葛不繫鄭者刺不能撫有

其邑本

七年春王三月叔姬歸于紀賈逵云書之者刺紀貴叔

姬本滕侯卒世本滕姬姓文王子錯叔繡之後疏地

理志沛郡公世本滕國周懿王子錯叔繡所封三十一

世為齊所滅郡國志沛國公世本滕國此本按世本錯

叔繡文王子左傳亦云邾雍曹滕文之昭也古今人表

滕叔繡在中上注文王子獨此志謂出懿王蓋傳寫誤

一字夏城中丘 齊侯使其弟來聘 秋公伐邾 冬

天王使凡伯來聘郡國志河內郡共有汎亭劉昭注

凡伯國按凡汎古字通杜同戎伐凡伯于楚丘以歸地理志

地理志山陽郡成武有楚丘亭杜本

八年春宋公衛侯遇于垂京相璠云今濟陰句陽縣小

城陽東五里有故垂亭者也郡國志濟陰郡句陽有垂

春秋左傳卷一

六

亭杜同三月鄭伯使宛來歸訪庚寅我入訪公穀皆作

書五行志訪郡國志泰山郡費有訪亭杜同夏六月己

亥蔡侯考父卒五經異義稱古春秋左氏說諸侯薨

赴於鄰國稱名則書名稱卒卒者終也取其終身又以

尊不出其國辛亥宿男卒 秋七月庚午宋公齊侯衛

侯盟于瓦屋 八月葬蔡宣公 九月辛卯公及莒人

盟于浮來公穀皆作包來 按浮包音同 郡國志琅邪郡東莞有邳

鄉有公來山或曰古浮來杜同 螟 冬十有二月無駭

卒

九年春天王使南季來聘天王諸本誤作天子三月癸酉

大雨震電庚辰大雨雪 挾卒公穀皆夏城郎 秋七

月冬公會齊侯于防公羊防作那

十年春王二月公會齊侯鄭伯于中丘夏鞏帥師會齊

人鄭人伐宋六月壬戌公敗宋師于營辛未取郟郟郡國志濟陰郡成武有郟城此杜同辛巳取防秋宋人

衛人入鄭宋人蔡人衛人伐戴鄭伯伐取之公穀皆作載音再按說文載字注云載故國在陳畱从邑戠聲

此本地理志云梁國甯縣故戴國應劭曰章帝改曰考

城古者甯載聲相近故鄭康成詩箋讀倣載為熾菑是

其音大同故漢於戴國立甯縣漢書五行志引作戴師

古曰戴國今外黃縣東南戴城是也讀者多誤為載故

隋室置戴州焉冬十月壬午齊人鄭人入郟

卜有一年春滕侯薛侯來朝于實曰十盈則更始以奇

從盈數故言有也本地理志魯國薛夏車正奚仲所國

此本世本薛在姓夏公會鄭伯于時來公穀皆作夏五

黎按來釐音同河南圖經釐城在滎澤縣東秋七月

壬午公及齊侯鄭伯人許地理志潁川郡許故國姜

姓四岳後太叔所封二十四世為楚所滅此杜本冬十有

一月壬辰公薨

桓公

元年春王正月公即位古文春秋經公即位為公即位

云古位立同字周禮按周禮小宗伯之職掌建國之神

位鄭注故書位作立鄭司農云立讀為位惠棟云古鼎

春秋左傳詁卷一

七

銘位皆作立三月公會鄭伯于垂鄭伯以璧假許田

廉信云鄭以昉不足當許田故復加璧史記集解夏四月丁

未公及鄭伯盟于越 秋大水 冬十月

二年春王正月戊申宋督弑其君與夷賈氏以為督有

無君之心故去氏本疏及其大夫孔父惠棟云孔父孔

氏之先也傳曰孔父嘉為司馬是嘉名孔父字古人稱

名字皆先字而後名祭仲足是也鄭有子孔名嘉說文

曰孔从乙从子乙請子之鳥也乙至而得子嘉美之也

古人名嘉字子孔說文此訓蓋指宋鄭兩大夫故先儒

皆謂善孔父而書字杜注輒為異說不可從也滕子來

朝 三月公會齊侯陳侯鄭伯于稷以成宋亂鄭眾

春秋左傳卷一

服虔皆以成宋亂為成就宋亂本疏詩毛傳成平也杜本

夏四月取郟大鼎于宋戊申納于太廟 秋七月杞侯

來朝公穀皆作紀侯蔡侯鄭伯會于鄧賈服以鄧為國言蔡

鄭會於鄧之國都本疏地理志南陽郡鄧故國應劭曰鄧

侯國九月入杞 公及戎盟于唐冬公至自唐

三年春正月公會齊侯于贏賈逵云不書王弑君易祲

田成宋亂無王也元年治桓二年治督十年正曹伯十

八年終始治桓本疏地理志泰山郡贏杜本夏齊侯衛侯

胥命于蒲鄆郡國志陳畱郡長垣侯國有蒲城此同按

徐堅初學記引左傳文并註云蒲甯殖邑也或當是賈

服舊註六月公會杞侯于郟公羊杞作紀郟作盛秋七月壬辰朔

日有食之既節詩鄭箋既盡也

杜本

公子翬如齊逆女

節買達云使單逆女兼修艾之盟

釋例

九月齊侯送姜氏

于謹節郡國志濟北國蛇丘有下謹亭

杜同

按水經註

引此節作下謹公會齊侯于謹 夫人姜氏至自齊

冬齊侯使其弟年來聘 有年節買達云桓惡而有年

豐異之也言有非其所宜有

本

疏穀梁宣十六年傳五穀

皆熟為有年

杜取

四年春正月公狩于郎節爾雅釋天冬獵曰狩

杜本

夏天

王使宰渠伯糾來聘節膏肓何休以為左氏宰渠伯糾

父在故名仍叔之子何以不名又仍叔之子以為父在

稱子伯糾父在何以不稱子鄭箴之曰仍叔之子者譏

春秋左傳註卷一

九

其幼弱故略言子不名之至於伯糾能堪聘事私覲又

不失子道故名且字也

杜略取此

惠棟云渠周邑昭二十六

年傳劉子以王出次於渠註云周地然則伯糾蓋氏於

邑者

五年春正月甲戌己丑陳侯鮑卒 夏齊侯鄭伯如紀

天王使仍叔之子來聘

穀梁作任叔

葬陳桓公

城祝丘節

地理志東海郡卽丘孟康曰古祝丘郡國志琅邪國卽

丘侯國故屬東海春秋曰祝丘秋蔡人衛人陳人從王

伐鄭節服虔云言人者時陳亂無君則三國皆大夫也

疏大雩節買達云言大別山川之雩蓋以諸侯雩山川

魯得雩上帝故稱大

本

疏服虔註左傳云大雩夏祭天名

零遠也遠爲百穀求膏雨也

續漢書志注

又云零遠也遠爲

百穀所膏雨言大別山川之零也

禮記疏

蠡公羊凡蠡字皆作蠡

爾雅釋蟲蝻蝻蝻

杜本

冬州公如曹世本州國姜

姓曹國姬姓文王子叔振鐸之後也

疏本

服虔云春秋前

以黜陟之法進爵爲公

疏本

地理志濟陰郡定陶故曹國

周武王弟叔振鐸所封

杜本

六年春正月寔來

惠棟云孔穎達曰凡言寔者已有其事可後寔之今也方說所爲不宜爲寔故轉而爲寔訓

之爲是也春秋桓六年州公寔來而左傳作實來是由

燕趙之間實寔同音故字有異也按註及孔疏寔當作

實石經傳文作寔北宋本同誤也陳樹華云傳解經不

春秋左傳卷一

十一

容立異且公穀二家皆作寔來寔訓爲是杜註乃云寔

實也猶之隱六年經渝乎傳曰更成杜獨訓渝爲變顯

與傳違於義爲短又按禮記大學引尙書秦誓是能容

之是不能容是並作寔蓋文異而音義同也孔氏墨守

杜說非是儀禮覲禮註云今文實作寔故變文言寔來

澹化本此寔字作實非按詩小星寔命不同毛傳寔是

也韓詩作實命不同夏四月公會紀侯于成

穀梁成作邠

註

陸氏穀梁音義曰左氏作杞侯按三年書公會杞侯于

邠則此處亦當作杞侯疑傳寫誤也秋八月壬午大閱

殺陳佗

公羊疏

杜取此廣雅閱數也蔡人

九月丁卯子同生

惠士奇云穀梁子曰疑

故志之按桓公三年夫人姜氏至自齊十八年公與夫
人姜氏遂如齊始與齊侯亂中間文姜未有如齊之事
而於六年始書子同生明同爲桓公子此聖人筆削之
微意莊四年冬公及齊人狩於禚齊有猗嗟之詩爲莊
公狩而作也其詩曰展我甥兮亦嫌文姜之亂而證其
爲齊之甥夫子刪詩存之與書子同生一例公羊傳曰
同非吾子齊侯之子也名敎大閑聖人於此安得而不
慎乎知此則知聖人刪定六經之意矣三傳惟穀梁得
聖人之旨其真子夏之門人與冬紀侯來朝

七年春二月己亥焚咸丘杜略公羊傳焚者何樵之也樵之

者何以火攻也杜略本此按孟子弟子有成丘蒙當卽以地

春秋左傳書卷一

十一

爲氏山東圖經咸丘在鉅野縣南夏穀伯綏來朝註地

理志南陽郡筑陽故穀伯國杜本劉昭引博物志穀國

今穀亭鄧侯吾離來朝

八年春正月己卯烝天王使冢父來聘夏五月丁丑

烝秋伐邾冬十月雨雪祭公來遂逆王后于紀

註韋昭國語註祭畿內之國周公之後圖經祭城在鄭

州城東北一十五里周公第五子所封五經異義稱左

氏說王者至尊無敵體之義故不親迎使上卿迎之諸

侯有故若疾病則使上大夫迎之上卿臨之按隱元年

有祭伯而此云祭公蓋伯係本爵入爲天子三公故又

得稱公也

春秋左傳書卷一 十一

九年春紀季姜歸于京師 夏四月 秋七月 冬曹伯使其世子射姑來朝

十年春王正月庚申曹伯終生卒 夏五月葬曹桓公

秋公會衛侯于桃丘弗遇國志東郡燕有桃城同杜

此冬十有二月丙午齊侯衛侯鄭伯來戰于郎

十有一年春正月齊人衛人鄭人盟于惡曹 夏五月癸

未鄭伯寤生卒 秋七月葬鄭莊公 九月宋人執鄭

祭仲賈遠長義云公羊曰祭仲之權是也若令臣子

得行則閉君臣之道啓篡弑之路公羊突歸于鄭鄭忽

出奔衛 柔會宋公陳侯蔡叔盟于折 公會宋公于

夫鐘公羊作夫童冬十有二月公會宋公于闕國志東

春秋左傳詁卷一

十一

平國東平陸有闕亭杜同此

十有二年春正月 夏六月壬寅公會杞侯莒子盟于曲

池公穀祀侯皆作紀侯公羊曲池作殿蛇秋七月丁亥公會宋公燕人盟

于穀丘 八月壬辰陳侯躍卒國志本躍為厲公此杜本

公會宋公于虛公羊虛作郊冬十有一月公會宋公于龜

丙戌公會鄭伯盟于武父 丙戌衛侯晉卒 十有二

月及鄭師伐宋丁未戰於宋

十有三年春二月公會紀侯鄭伯己巳及齊侯宋公衛侯

燕人戰齊師宋師衛師燕師敗績國志賈服註譏衛侯不

稱子禮記疏尚書序大奔曰敗績杜本三月葬衛宣公

夏大水 秋七月 冬十月

十有四年春正月公會鄭伯于曹 無冰 夏五 鄭伯

使其弟語來盟穀梁語 秋八月壬申御廩災古微書

引春秋考異郵天火為災杜本 乙亥嘗服虔云魯以

壬申被災至乙亥而嘗不以災害為恐本 冬十有二月

丁巳齊侯祿父卒 宋人以齊人蔡人衛人陳人伐鄭

公羊衛人

十有五年春二月天王使家父來求車鄭康成儀禮士

月乙未天王崩 夏四月己巳葬齊僖公 五月鄭伯

突出奔蔡鄭世子忽復歸于鄭 許叔入于許 公會

齊侯于艾公羊艾作郕 邾人牟人萬人來朝地理志

泰山郡牟故國應劭曰魯附庸也陳甯郡寧陵孟康曰

故葛伯國今葛鄉是杜本 秋九月鄭伯突入于櫟 冬

十有一月公會宋公衛侯陳侯于袤伐鄭公羊宋公上

後按說文核字註云春秋傳曰公會齊侯於核蓋袤

核本一字文之變耳又據說文則宋公上當有齊侯二

字

十有六年春正月公會宋公蔡侯衛侯于曹 夏四月公

會宋公衛侯陳侯蔡侯伐鄭 秋七月公至自伐鄭

冬城向 十有一月衛侯朔出奔齊

十有七年春正月丙辰公會齊侯紀侯盟于黃按地理

志東萊郡黃縣春秋時屬齊此盟於黃疑卽是二月丙

午公會邾儀父盟于雒說文雒動也春秋傳曰盟於

趙趙地名此

杜本

夏五月丙午及齊師戰于奚

公羊及石經本無夏

字奚穀

賈服之義若登臺而不視朔則書時不書月

若視朔而不登臺則書月不書時若雖無事視朔登臺

則書時書月

禮記正義

六月丁丑蔡侯封人卒

秋八月蔡

季自陳歸于蔡 癸巳葬蔡桓侯 劉賈許曰桓卒而

季歸無臣子之辭也蔡侯無子以弟承位羣臣無廢主

社稷不乏祀故傳稱蔡人嘉之非貶所也

人伐邾

冬十月朔日有食之

十有八年春王正月公會齊侯于濼 說文濼齊魯間水

也春秋傳曰公會齊侯于濼按宋陸友仁云濟水自王

莽時不能至河西而濼水之所入者清河也杜註失之

春秋左傳卷一

十四

公與夫人姜氏遂如齊

公羊無與字

夏四月丙子公薨于齊

丁酉公之喪至自齊 秋七月 冬十有二月己丑葬

我君桓公

莊公

元年春王正月

三月夫人孫于齊

釋文作遜

賈逵服虔皆

以為桓公之薨至是年三月期而小祥公憂思少殺念

及于母以其罪重不可以反之故書孫于齊耳其實先

在齊本未歸也

詩疏

服云蓋桓公之喪從齊來上按杜注

以夫人此時始出奔非是當以賈義為長爾雅孫遁也

廣雅孫去也

杜本

夏單伯送王姬

公穀送皆作逆

秋築王姬之

館于外

白虎通引作築王姬觀於外觀館古字通

冬十月乙亥陳侯林卒

王使榮叔來錫桓公命節爾雅錫賜也杜本王姬歸于

齊節齊師遷紀郟鄆節地理志琅邪郡餅梧城水經

注作郟城地理風俗記曰朱虛縣東四十里有郟亭城

故縣也應劭曰臨朐有伯氏駢邑按駢即餅也郟餅駢

古字同郡國志齊國臨朐有三亭古郟邑杜並說文鄆

宋衛間地按杜注北海都昌縣西有訾城即此鄆訾音

同唐於都昌縣鄆城置訾亭縣以此

二年春王二月葬陳莊公夏公子慶父帥師伐於徐

秋七月齊王姬卒冬十有二月夫人姜氏會齊侯

于禚公羊禚作郟下按論衡書虛篇亦引作郟禚郟

音同據此則禚當即郟國說文所云周文王子所封國

春秋左傳詁卷一

十五

也與南部北郟本別劉炫難杜亦然乙酉宋公馮卒

三年春王正月溺會齊師伐衛夏四月葬宋莊公五

月葬桓王秋紀季以鄆入于齊節劉賈謂紀季以鄆

奔齊不言叛不能專鄆也本賈逵以為紀季不能兄弟

同心以守國乃背兄歸讐書以譏之後漢按說文鄆東

海之邑杜注云紀邑蓋取穀梁傳說地理志淄川國東

安平孟康曰紀季以鄆入於齊今鄆亭是也杜本冬公

次于滑公穀滑郡國志陳畱郡襄邑有滑亭杜同

四年春王二月夫人姜氏享齊侯于祝丘公穀皆作饗釋

會三月紀伯姬卒夏齊侯陳侯鄭伯遇于垂紀侯

大去其國六月乙丑齊侯葬紀伯姬秋七月冬

公及齊人狩于禚

五年春王正月 夏夫人姜氏如齊師 秋邾犁來來朝

公羊作 倪犁 世本邾顏居邾肥徙邾宋忠注云邾顏別封

小子肥於邾為小邾子冬公會齊人宋人陳人蔡人伐

衛

六年春王正月王人子突救衛 公穀皆作三月 夏六月衛侯朝入

于衛 秋公至自伐衛 螟 冬齊人來歸衛俘 謂釋

側云齊人來歸衛實公羊穀梁經傳及左氏傳皆同惟

左氏經獨言衛俘考三家經傳有六而五皆言實此必

左氏經之獨誤也按說文保从人保省聲古文保不省

然則古字通用實或保字與俘相似故誤作俘耳 本顏

春秋左傳詁卷一

五

師古曰經書齊人來歸衛俘傳言衛實公羊穀梁經並

為實杜預注云疑左氏傳經誤按爾雅云俘取也書序

曰遂伐三股俘厥寶玉然則所取于衛之寶而來獻之

經傳相會義無乖爽豈必俘即是人杜氏之說為不通

矣惠棟云周書顧命陳寶赤刀說文引作保李氏鏡銘

明如日月世之保與寶同

七年春夫人姜氏會齊侯于防 夏四月辛卯夜恆星不

見 穀梁夜 杜本 夜中星隕如雨 公羊

作昔 詩鄭箋恆常也此 按周禮大司樂正義

實 謂服虔注如而也 本疏見隱七 年杜取此 論衡執增篇及說日篇

引左傳作星實而雨 五行志曰 如而也

爾引春秋並作夏四月辛卯夜中恆星百見星實如雨

秋大水 無麥苗 冬夫人姜氏會齊侯于穀國

志東郡穀城此杜同 按晉移屬濟北國

八年春王正月師次于郎以俟陳人蔡人歸賈逵及說穀

梁者皆云陳蔡欲伐魯故待之何休服虔云欲其伐郎

杜取 服說按杜注云期共伐郎今考此年夏師及齊師圍郎

郎降于齊師經文及傳皆不及陳蔡知魯無期陳蔡共

伐郎之事當以賈說為長正義申杜又云陳蔡與魯境

絕路遙無緣伐魯按既云境絕路遙則魯無容約遠國

伐近國若云二國可共約伐郎則郎與魯接壤何為獨

不可伐魯乎正義之說可謂進退失據矣甲午治兵公

作祠 兵 夏師及齊師圍郎郎降于齊師公羊秋師還羊

春秋左傳卷一

七

冬十有一月癸未齊無知弑其君諸兒別本殺作殺 今定从宋本

賈逵以為弑君取國故以國言之本疏在 隱四年

九年春齊人殺無知 公及齊大夫盟于蕪公穀蕪 皆作暨

國志琅邪國繪有概亭此 蕪概同夏公伐齊納子糾

公穀皆作納 糾無子字 賈逵云不言公子次正也按正義則知

賈氏本無子字與公穀合管子作子糾劉向新序淮南

子並同齊小白入于齊歸賈服以為齊大夫來迎子糾

公不亟遣而盟以要之齊人歸迎小白本疏按賈服蓋尋

繹經文得之使齊大夫樂從于盟并有成約則公納子

糾不須言伐且下言齊小白入于齊從國逆之文明齊

大夫不樂魯君要盟因變計逆小白也若如杜云二公

子各有黨迎小白者又非盟既之人則小白之入與者
半不與者半又何得泛引國逆而立之曰入例乎入自
矛盾矣秋七月丁酉葬齊襄公 八月庚申及齊師戰
于乾時我師敗績地理志千乘郡博昌時水東北至
鉅定入馬車瀆幽州寢京相璠云今樂安博昌縣南界
有時水西通濟其源上出盤陽北至高苑下有死時中
無水為春秋之乾時也水經注 杜同此九月齊人取子糾殺之
謂賈逵云傅子者愍之疏本按上經一本無子字此始有
之故以為愍劉炫說與賈同正義議賈非是冬浚洙水經
京相服虔並言洙水在魯城北浚深之為齊備也注
按此則京杜皆用服說

春秋左傳卷一

一八

十年春王正月公敗齊師于長勺 二月公侵宋 三月

宋人遷宿 夏六月齊師宋師次于郎公敗宋師于乘

丘地理志濟陰郡乘氏應劭曰春秋敗宋師于乘丘

是也按張華博物志亦云濟陰乘氏侯國古乘丘杜注

以為泰山郡乘丘恐非小顏注地理志亦取杜說誤秋

九月荆敗蔡師于莘以蔡侯獻舞歸穀梁舞冬十月齊

師滅譚譚子奔莒說文韞國也齊桓公之所滅按史

記作郊徐廣曰一作譚蓋音同而誤郡國志濟南郡東平陵有

譚城杜同此

十有一年春王正月 夏五月戊寅公敗宋師于郟按

卽莊元年郟郟郡之郟說文云宋魯間地杜直云魯地

亦誤秋宋大水 冬王姬歸于齊

十有二年春王三月紀叔姬歸于鄆 夏四月 秋八月

甲午宋萬弒其君捷及其大夫仇牧歸賈氏以為宋萬

未賜族本疏又賈氏云公羊穀梁曰接公羊疏惠棟曰捷與

接古字通易晉卦曰晝日三接鄭注曰接勝也禮內則

接以太牢注云接讀為捷捷勝也書義並同今按正義

譏賈云傳曰南宮長萬則為己氏南宮不得為未賜族

今考春秋時族有不由君賜者如士會之孥處秦者為

劉氏伍員之子在齊為王孫氏外傳知果自別其族為

輔氏則南宮之族或因所居之地以自稱非由君賜亦

未可知即如襄仲居東門故曰東門氏亦非君賜是其

一證又賈於前年乘丘之役南宮長萬下即注云南宮

氏萬名是非不知萬氏南宮而此云未賜族者蓋以南

宮實非君所賜氏故耳正義每申杜駁賈並無義理均

所不取冬十月宋萬出奔陳

十有三年春齊侯宋人陳人蔡人邾人會于北杏穀梁齊侯作齊

人歸賈服說北杏之會邾時已得王命本疏按經書邾

人始此故賈服云然十六年邾子克卒杜注云邾子者

蓋齊桓請王命以為諸侯再同盟亦用賈服說也夏六

月齊人滅遂歸世本遂媯姓地理志泰山郡蛇丘隧鄉

故隧國杜同京相璠曰遂在蛇丘東北十里水經按蛇

丘東北無城以擬之東北當作西北杜注承京相之誤

也秋七月 冬公會齊侯盟于柯

十有四年春齊人陳人曹人伐宋 夏單伯會伐宋 秋

七月荆入蔡 冬單伯會齊侯宋公衛侯鄭伯于鄆

齊世家 鄆作甄 韋昭齊語注引作會于鄆舊音云內傳作甄

水經注亦作甄地理志濟陰郡有鄆城 杜同此按三國魏時鄆城始移

屬東郡

十有五年春齊侯宋公陳侯衛侯鄭伯會于鄆 夏夫人

姜氏如齊 秋宋人齊人邾人伐鄭 公羊 鄭作兒 說文云

邾齊地春秋傳曰齊高厚定邾田按邾後為齊所并故

云齊地鄭人侵宋 冬十月

十有六年春王正月 夏宋人齊人衛人伐鄭 秋荆伐

春秋左傳詁卷一

三

鄭 冬十有二月會齊侯宋公陳侯衛侯鄭伯許男滑

伯滕子同盟于幽 公穀計男下皆 有曹伯二字 按成公十三年殄

滅我費滑卽此故杜注言滑國都費也邾子克卒

十有七年春齊人執鄭詹 公羊詹作 贍下同 夏齊人殲于遂 公羊 殲作

說文殲微盡也春秋傳曰齊人殲于遂此 地理

志隧鄉故隧國春秋曰齊人殲于隧也秋鄭詹自齊逃

來 冬多麋

十有八年春王三月日有食之 夏公追戎于濟 服氏

云桓公為好莊公獨不能修而見侵濟西曹地 周禮 京

相璠曰濟水自鉅野至濟北 水經 注 秋有蜚 說文蜚短

狐也似鼯三足以氣射害从蟲或聲或又从國按諸本

狐又作弧與漢書五行志同師古注卽射工也亦呼水弩尋文義是當作弧矢之弧又按漢舊儀云蜮鬼也魁與蜮古字通釋文本短狐又作斷弧冬十月

十有九年春王正月夏四月秋公子結媵陳人之婦

于鄆遂及齊侯宋公盟 夫人姜氏如莒 冬齊人宋

人陳人伐我西鄙韋昭國語注鄙邊邑也杜本此

二十年春王二月夫人姜氏如莒 夏齊大災 秋七月

冬齊人伐我穀梁作伐我

二十有一年春王正月夏五月辛酉鄭伯突卒 秋七

月戊戌夫人姜氏薨 冬十有二月葬鄭厲公

二十二年春王正月肆大眚公羊傳作省 閏買達以文姜爲有

春秋左傳卷一

王

罪故赦而後葬以說臣子也魯大赦國中罪過欲令文

姜之過因是得除以葬文姜本疏按賈依文爲訓文姜薨

在去年七月至十一月卽當葬乃遲至七月之久此

月中國又無大事明文姜得罪先君國人所知非因肆

赦不可蕩滌故賈云然耳正義說非癸丑葬我小君文

姜 陳人殺其公子御寇公穀皆作禦 夏五月 秋七

月丙申及齊高偃盟于防 冬公如齊納幣

二十有三年春公至自齊 祭叔來聘 夏公如齊觀社

公至自齊 荆人來聘 公及齊侯遇于穀 蕭叔

朝公地理志沛郡蕭故蕭叔國宋別封附庸也按蕭

宋附庸杜注似以爲魯附庸非秋丹桓宮楹說文楹

柱也春秋傳曰丹桓宮楹杜本冬十有一月曹伯射姑

卒 十有二月甲寅公會齊侯盟于扈國志河南

尹卷有扈城杜同

二十有四年春王三月刻桓宮桷說文桷椽也椽方曰

桷又齊魯謂之桷春秋傳曰刻桓宮桷服虔注曰桷謂

之椽椽椽也按國語注唐固云桷椽頭也韋昭謂桷一

名椽杜曰桷椽也蓋亦取說文椽方曰桷之義葬曹莊

公 夏公如齊逆女 秋公至自齊 八月丁丑夫人

姜氏入 戊寅大夫宗婦覲用幣賈云宗婦同姓大

夫之婦詩疏杜取此大水 冬戎侵曹 曹羈出奔陳 赤

歸于曹賈逵以為羈是曹君赤是戎之外孫故戎侵

春秋左傳詰卷一

三

曹逐羈而立赤本疏公穀以為赤蓋郭公以赤歸于曹郭

公連為一句又穀梁言郭公名赤失國而歸于曹同上郭

公按郭國不見於春秋考僖二年晉伐虢公羊傳作

郭戰國策亦同又昭元年會于虢穀梁亦作郭周書王

會解郭叔掌為天子菜幣焉孔晁注郭叔虢叔是虢郭

音近義通此郭公即虢公虢為公爵書法亦合虢公下

必繫以事而史闕之否則虢公林父或於是年卒也又

按士為使殺羣公子而城聚都之即在此後一年考之

史記晉世家於此年書羣公子既亡奔虢夫云既亡則

亡在此年之前可知又云虢以其故再伐晉不克下二

年傳秋虢人侵晉 是此數年中虢晉正交兵非無事可

冬虢人又侵晉

書又甚明但不敢懸斷故附記於此史記索隱曰虢後改稱郭非是李善稱高誘戰國策注郭古文號字也姓纂周文王季弟虢叔受封於虢或曰郭公因以爲氏公羊傳曰虢謂之郭聲之轉也又其顯證

二十有五年春陳侯使女叔來聘 夏五月癸丑衛侯朔卒 六月辛未朔日有食之鼓用牲于社社春秋大傳曰天子之國有泰社東方青南方赤西方白北方黑上方黃故將封於東方者取青土封於南者取赤土封於西者取白土封於北者取黑土各取其方土裹以白茅封以爲社此始受封於天子者也此之謂主土主土者大社以奉之也胡三省通鑑注伯姬歸于杞 秋大水鼓用牲

春秋左傳語卷一

三

于社于門 冬公子友如陳

二十有六年春公伐戎公羊無春字夏公至自伐戎 曹殺其

大夫 秋公會宋人齊人伐徐地理志臨淮郡徐故

國盈姓至春秋時徐子章禹爲楚所滅冬十有二月癸

亥朔日有食之

二十有七年春公會杞伯姬于洮 夏六月公會齊侯宋

公陳侯鄭伯同盟于幽 秋公子友如陳葬原仲 冬

杞伯姬來 莒慶來逆叔姬 杞伯來朝 公會齊侯

于城濮賈逵云城濮衛地此杜取

二十有八年春王三月甲寅齊人伐衛衛人及齊人戰衛

人敗績 夏四月丁未邾子瑱卒 秋荆伐鄭 公會

齊人宋人救鄭

冬築郿

公穀皆作築微

水經濟水逕微鄉

東注云卽春秋之郿京相璠曰公羊傳謂之微在東平

壽張西北三十里有故微鄉魯邑也

杜本此

璠曰微子國

史按水經注引杜注云有微子冢今注無之惠棟云公

羊釋文云築微左氏作糜糜古文眉爲微大無麥禾

牲饋食禮眉壽萬年鄭注古文眉爲微大無麥禾

虔云陰陽不和土氣不養故禾麥不成也傳言饑而經

不書者得齊之糴救民之急不至於饑也

疏本

臧孫辰告

糴于齊何休公羊傳注買穀曰糴服虔云不言如重

穀急辭以其情急於糴故不言如齊告糴乞師則情緩

於糴故云如楚乞師

疏本

服又云無庭實也

聘禮

春秋左傳詁卷一

三

二十有九年春新延廡

劉賈云言新有故木言作有新

本

延廡不書作所用之木非公命也

疏按據此則經文

缺作字可知

夏鄭人侵許

秋有蜚

冬十有二月紀

叔姬卒

城諸及防賈逵云言及先後之辭

疏本

地理

志瓊邪郡諸

杜本此

三十年春王正月

夏次于成

公穀皆作師次于成

秋七月齊人降

郭劉賈依二傳以爲郭紀之遺邑按說文郭紀邑也

與賈說同杜注郭紀附庸國今考紀在春秋時甚微疑

不得有附庸又紀侯去國至此已二十七年不得有附

庸獨存杜注蓋非也郡國志東平國無鹽有章城

杜同此

八月癸亥葬紀叔姬

九月庚午朔日有食之鼓用牲

于社 冬公及齊侯遇于魯濟 齊人伐山戎國服虔

云山戎北狄蓋今鮮卑也史記集解

三十有一年春築臺于郎 夏四月薛伯卒 築臺于薛

六月齊侯來獻戎捷國說文捷獵也軍獲得也春秋

傳曰齊人來獻戎捷秋築臺于秦國郡國志東平國范

有秦亭杜同 冬不雨

三十有二年春城小穀國穀梁云魯邑范甯注小穀魯地

也賈逵云不繫齊者世其祿本疏郡國志東郡穀城春秋

時小穀杜同 圖經曲阜西北有小穀城桂馥云水經注

所稱小城正在曲阜西北漢以項羽頭示魯人而葬羽

於小穀其地去魯城當不遠夏宋公齊侯遇于梁丘國

春秋左傳記卷一

郡國志山陽郡昌邑有梁丘城杜同 秋七月癸巳公子

牙卒 八月癸亥公薨于路寢 冬十月己未子般卒

公穀皆作乙未子般史記作子班師古漢書注般與班同 公子慶父如齊 狄伐邢

國地理志趙國襄國故邢杜本

春秋左傳註卷二

陽湖洪亮吉學

春秋經一

閔公

元年春王正月 齊人救邢 夏六月辛酉葬我君莊公

秋八月公及齊侯盟于落姑公穀皆作洛姑季子來歸 冬

齊仲孫來

二年春王正月齊人遷陽地理志東海郡都陽應劭曰

春秋齊人遷陽是城陽國陽都應劭曰齊人遷陽故陽

關是按城陽國陽都故城在今沂州府沂水縣西南都

陽故城後漢書注云在承縣南則亦在今嶧縣西南矣

春秋左傳註卷二

一

二縣相去實不過二百里郡國志琅邪國有陽都云故

屬城陽而東海之都陽已省疑兩縣已并作一地故應

劭云然錢大昕考異亦疑都陽侯國係城陽戴王之子

當日或卽割陽都之鄉爲侯國本非兩地也今考都陽

陽都爲一爲二尙未可知而爲齊人遷陽之陽則無疑

義杜旣不注所在而正義又云世本無有陽國不知何

姓按禮記坊記陽侯殺繆侯而竊其夫人淮南王書汜

論訓繆侯作蓼侯高誘注蓼侯臯陶之後偃姓之國鄭

康成注旣云陽繆同姓國則陽侯亦偃姓可知正義云

不知何姓實亦未深攷也夏五月乙酉吉禘于莊公

賈逵云禘者遷也審諦昭穆遷主遷位孫居王父之處

宋本禮記疏 按王肅聖證論引賈逵說並同此杜取 秋八月辛

丑公薨 九月夫人姜氏孫于邠賈服之說皆以為

文姜殺夫罪重故去姜氏哀姜殺子罪輕故不去姜氏

本疏 公子慶父出奔莒 冬齊高子來盟 十有二月狄

人衛賈逵云不與夷狄得志于中國 鄭棄其師

僖公史記漢書皆作釐師古曰釐讀曰僖

元年春王正月 齊師宋師曹師別本誤作曹伯惟石經作曹師與公穀合今據

改 次于聶北救邢說文岳多言也从品相連春秋傳

曰次于岳北讀與聶同按今本作聶因聲近而轉賈服

以為此言次于聶北救邢與襄二十三年叔孫豹救晉

次于雍榆二事相反此是君也進止自由彼是臣也先

春秋左傳註卷二

逆君命本疏 郡國志東郡聊城有夷儀聚有聶戚按夷儀

聚即下文邢所遷聶戚即此聶北也夏六月邢遷于夷

儀公羊作陳儀 齊師宋師曹師城邢 秋七月戊辰夫人姜

氏薨于夷齊人以歸按唐石經作齊人以尸歸尸字是後人增人不足據楚人伐

鄭 八月公會齊侯宋公鄭伯曹伯邾人于櫟公羊櫟作村

九月公敗邾師于偃公羊偃作纓 冬十月壬午公子友帥師

敗莒師于郚公羊郚作梁作麗 獲莒挈諸本並誤作孳今改正傳亦同 十有

二月丁巳夫人氏之喪至自齊賈逵云殺子輕故但

賤姜本疏

二年春王正月城楚丘賈逵云楚丘衛地 史記夏五月

辛巳葬我小君哀姜 虞師晉師滅下陽公穀皆作夏陽汲郡古文

作下陽下 郡國志河東郡大陽有下陽城杜同 秋九月齊

侯宋公江人黃人盟于貫公羊作盟于貫澤劉向新序亦引作貫澤 賈逵

云江黃稱人刺不度德善隣恃齊背楚終為楚所滅地理志汝南郡安陽應劭曰故江國今江亭是此 本 鄺

道元云貫城在蒙縣西北杜預以為貫也云貫貫字相

似冬十月不雨 楚人侵鄭

三年春王正月不雨夏四月不雨 賈逵取穀梁以為說

曰歷時而言不雨文不憂雨也不憂雨者無志于民也

言僖有憂民之志故每時一書文無憂民之志是以歷

時總書本徐人取舒地理志臨淮郡徐故國盈姓廬

江郡舒故國杜本按玉篇引傳文及注並作郤說文郤

地名从邑舍聲不言所在知郤舒古字同也六月雨

秋齊侯宋公江人黃人會于陽穀郡國志東平國須

昌有陽穀城杜同冬公子友如齊洺盟穀梁作公子季友公穀洺皆作

洺按洺從說文當作隸玉篇菴與洺同儀禮鄭注洺

臨也杜本楚人伐鄭

四年春王正月公會齊侯宋公陳侯衛侯鄭伯許男曹伯

侵蔡蔡潰遂伐楚次于陘賈逵云民逃其上為潰也

史記集解 郡國志汝南郡召陵有陘亭此夏許男新

臣卒賈逵云不言卒于師善會主加禮若卒于國本

楚屈完來盟于師盟于召陵公羊傳曰屈完者何楚

大夫也何以不稱使尊屈完也曷為尊屈完以當桓公

也服虔取以爲說本疏服又云來者外楚也嫌楚無罪言

來以外之同地理志汝南郡召陵師古曰召讀曰邵按

水經注引此卽作邵陵杜本齊人執陳轅濤塗公穀轅皆作袁

釋文袁本多作轅按襄二年傳陳成公使轅僑如會求成注

云轅僑濤塗四世孫史記齊世家作袁陳世家作轅漢

國三老袁良碑周之興滿爲陳侯至元孫濤塗以字立

姓曰袁法言曰齊桓公欲徑陳陳不果納執轅濤塗後

漢書袁術傳袁氏出陳爲舜後注云陳大夫轅濤塗袁

氏其後也袁轅古字同秋及江人黃人伐陳八月公

至自伐楚葬許穆公公羊穆作繆冬十有二月公孫茲帥

師會齊人宋人衛人鄭人許人曹人侵陳公羊茲作慈下同

五年春晉侯殺其世子申生釋文杞伯姬來朝其子伯姬來

絕句云來歸寧朝其子猶言其子朝按公羊傳曰其言來朝子何內辭

也注云據微者不當書朝連來者內辭也是公羊作一

句讀夏公孫茲如牟公及齊侯宋公陳侯衛侯鄭伯

許男曹伯會王世子于首止公穀皆作首戴下同秋八月諸侯盟

于首止鄭伯逃歸不盟楚人滅弦弦子奔黃地

理志江夏郡軼本弦子國杜本九月戊申朔日有食之

冬晉人執虞公

六年春王正月夏公會齊侯宋公陳侯衛侯曹伯伐鄭

圍新城地理志河南郡密此師古曰卽春秋僖六

年圍新密者也秋楚人圍許諸侯遂救許冬公至

自伐鄭

七年春齊人伐鄭 夏小邾子來朝 鄭殺其大夫申侯

秋七月公會齊侯宋公陳世子款鄭世子華盟于甯

母穀梁甯作寧釋文甯母如字又音無公羊穀梁亦兩音按石經作毋當從之 國志山

陽郡方與有泥母亭或曰古甯母杜同 曹伯班卒公羊作般

公子友如齊 冬葬曹昭公

八年春王正月公會王人齊侯宋公衛侯許男曹伯陳世

子款盟于洮公羊陳世子款下有鄭世子華四字非 按莊十七年杜注

洮魯地此注又云曹地今攷下三十一年傳分曹地自

洮以南是洮水在曹魯之界洮水南屬曹洮水北屬魯

也鄭伯乞盟 夏狄伐晉 秋七月禘于大廟用致夫

人 冬十有二月丁未天王崩

九年春王三月丁未宋公御說卒公穀皆作禦 夏公會宰周公

齊侯宋子衛侯鄭伯許男曹伯于葵丘春秋古地記

云葵丘地名今鄴西三臺是也水經案傳云西為此會

當以此說為是杜注外黃縣東有葵丘則與司馬彪郡

國志同杜于莊八年注又云葵丘齊地臨淄縣西有地

名葵丘此則別一葵丘也 秋七月乙酉伯姬卒 九月

戊辰諸侯盟于葵丘 甲子晉侯嵬諸卒公羊作甲戌

作嵬 惠士奇曰鄭固碑云造膝嵬辭是嵬與詭通也按

陸氏穀梁音義云左傳作嵬今石經消化本並作嵬因

從之冬晉里克殺其君之子奚齊公羊作殺按公羊音義仍作殺音弑

十年春王正月公如齊 狄滅温温子奔衛 晉里克弑

其君卓及其大夫荀息公羊作卓子 夏齊侯許男伐北戎

晉殺其大夫里克 秋七月 冬大雨雪公羊雪作雹

十有一年春晉殺其大夫平鄭父 夏公及夫人姜氏會

齊侯于陽穀 秋八月大雩 冬楚人伐黃

十有二年春王三月庚午日有食之 夏楚人滅黃 秋

七月 冬十有二月丁丑陳侯杵臼卒公羊作處白

十有三年春狄侵衛 夏四月葬陳宣公 公會齊侯宋

公陳侯衛侯鄭伯許男曹伯于鹹國志東郡濮陽有鹹城此 秋九月大雩 冬公子友如齊

十有四年春諸侯城緣陵地理志北海郡營陵僻壤曰

營陵春秋時謂之緣陵夏六月季姬及鄆子遇于防使

鄆子來朝穀梁作緇下同釋文云本或作繪 地理志東海郡繪故國禹

後杜本世本鄆姒姓秋八月辛卯沙鹿崩說文麓守

山林吏也一曰林屬于山為麓春秋傳曰沙麓崩服虔

云沙山名麓山足林屬于山曰麓按麓鹿古字通漢書

元后傳亦作沙麓劉熙釋名山足曰麓麓陸也言水流

順陸燥也與穀梁說微異杜注取公羊說郡國志魏郡

元城墟故沙鹿杜同 狄侵鄭 冬蔡侯臍卒

十有五年春王正月公如齊 楚人伐徐 三月公會齊

侯宋公陳侯衛侯鄭伯許男曹伯盟于牡丘遂次于匡

地理志陳留郡長垣孟康曰春秋會于匡今匡城是

郡國志長垣侯國有匡城杜本此公孫敖帥師及諸侯之

大夫救徐 夏五月日有食之 秋七月齊師曹師伐

厲音地理志南陽郡隨有厲鄉故厲國也師古曰厲讀

曰賴杜本此按厲鄉在今隨州北今名厲山店太平寰宇

記厲山在隨縣北一百里又引荊州記曰隨地有厲鄉

村有厲山下有一穴是神農所生穴也神農號厲山氏

蓋卽以此賴爲楚與國當以在此者爲是惟司馬彪郡

國志于汝南郡褒信侯國下云有賴亭故國今攷後漢

褒信卽前漢鄆縣屬潁川郡春秋時爲楚召陵邑非賴

國地且桓十三年楚屈瑕伐羅楚子使賴人追之羅又

在賴國西北故就近使追若汝南之褒信則去羅益遠

非事實矣明褒信雖有賴亭實非賴國彪說誤也惠棟

曰桓十三年傳云楚子使賴人追之杜注與此略同昭

四年經云楚伐吳遂滅賴公羊傳于此年賴作厲釋文

云厲如字又音賴公羊傳十五年釋文云厲舊音賴則

知厲與賴本一國古音通故或作厲或作賴也今按厲

賴與郭號歸夔並同聲字又古字通八月螽公羊作蠲

云本亦作蠲九月公至自會 季姬歸于郕穀梁後同釋文己卯晦震

夷伯之廟音說文震劈厯震物者春秋傳曰震夷伯之

廟冬宋人伐曹 楚人敗徐于婁林音郡國志下邳國

徐本國有婁亭或曰古婁林杜同此十一月壬戌晉侯

及秦伯戰于韓獲晉侯

十有六年春王正月戊申朔隕石于宋五此杜本爾雅隕落也

說文作碩訓同云春秋傳曰碩石于宋五此杜本按今本

作隕杜注同公羊作實是月六鵠退飛過宋都說文

鵠鳥也春秋傳曰六鵠退飛按今本作鵠說文無鵠字

當作鵠為是穀梁作鵠劉向傳終軍傳亦作六鵠史記

宋世家作實星如雨與雨偕下六鵠退蜚史記十二諸

侯年表作六鵠退飛過我都董子春秋繁露王道篇應

劭風俗通亦作六鵠皆傳寫之誤三月壬申公子季友

卒夏四月丙申鄆季姬卒秋七月甲子公孫茲卒

公羊冬十有二月公會齊侯宋公陳侯衛侯鄭伯許男

邢侯曹伯于淮地理志臨淮郡有淮浦淮陰淮陵諸

春秋左傳註卷二

八

縣杜本

十有七年春齊人徐人伐英氏按古英氏城在今六安

州英山縣東北英山縣即春秋時英氏地也張守節正

義又云英後改為蓼漢書地理志蓼屬六安國夏滅項

國釋名項國名魯滅之也二傳以為齊滅地理志汝南

郡項故國杜本秋夫人姜氏會齊侯于卞地理志魯

國卞杜本九月公至自會冬十有二月乙亥齊侯小

白卒

十有八年春王正月宋公曹伯衛人邾人伐齊公羊宋公

夏師救齊五月戊寅宋師及齊師戰于贏齊師敗績

狄救齊秋八月丁亥葬齊桓公冬邢人狄人伐

衛

十有九年春王三月宋人執滕子嬰齊 夏六月宋公曹

人邾人盟于曹南公羊作宋人 邾子會盟于邾公羊作邾人會于邾婁

己酉邾人執鄆子用之 秋宋人圍曹衛人伐邢 冬

會陳人蔡人楚人鄭人盟于齊公羊會上 梁亡

二十年春新作南門 劉賈先儒皆云言新有故在言作

有新在故為此言以異之本疏 夏鄆子來朝 說文部周

文王子所封國五月乙巳西宮災 鄭人入滑 秋齊

人狄人盟于邢 冬楚人伐隨

二十有一年春秋侵衛 宋人齊人楚人盟于鹿上 水

經注濮水又東北逕鹿城南郡國志曰濟陰郡乘氏有

春秋左傳詁卷二

九

鹿城鄉春秋僖公二十一年盟于鹿上京杜並謂此亭

也按道元蓋誤記今攷杜注云鹿上宋地汝陰郡有原

鹿縣則與乘氏鹿城鄉非一地可知劉昭補注是其證

蓋以為在乘氏鹿城鄉者第京相璠司馬彪之說耳究

當以杜說為長夏大旱 秋宋公楚子陳侯蔡侯鄭伯

許男曹伯會于孟公羊孟作霍 穀梁作雩 按孟雩音同古字亦

通公羊作霍又以雩字近而誤也執宋公以伐宋 冬

公伐邾 楚人使宜申來獻捷 十有二月癸丑公會

諸侯盟于薄釋宋公

二十有二年春公伐邾取須句公羊作須胸漢書五行志水經注並同 夏宋

公衛侯許男滕子伐鄭 秋八月丁未及邾人戰于升

陘音玉篇鄧胡經切鄉名在高密左氏傳曰戰于升陘
按鄧陘古字通玉篇蓋采舊說釋文本又作登陘冬十
有一月己巳朔宋公及楚人戰于泓宋師敗績

二十有三年春齊侯伐宋圍緡穀梁緡作
閔後同按史記田齊

世家宣王卒子湣王地立湣王戰國策皆作閔王與此

正同郡國志山陽郡東緡春秋時曰緡水經注引十三

州志同杜同夏五月庚寅宋公茲父卒公羊作
慈父秋楚人

伐陳冬十有一月杞子卒

二十有四年春王正月夏狄伐鄭秋七月冬天王

出居于鄭晉侯夷吾卒顧炎武云疑此錯簡當在

二十三年之冬左傳曰九月晉惠公卒晉之九月周之

冬也

春秋左傳諸卷二

十

二十有五年春王正月丙午衛侯燬滅邢說文燬火也

春秋傳衛侯燬夏四月癸酉衛侯燬卒宋蕩伯姬來

逆婦釋例稱賈氏以爲經不書歸者適世子故也宋

殺其大夫秋楚人圍陳納頓子于頓地理志汝南

郡南頓故頓子國葬衛文公冬十有二月癸亥公會

衛子莒慶盟于洮服虔云明不失子道

二十有六年春王正月己未公會莒子衛甯速盟于向公羊

速作齊侯侵我西鄙公追齊師至鄙弗及釋文鄒本又

穀梁並夏齊人伐我北鄙衛人伐齊公子遂如楚

乞師秋楚人滅夔以夔子歸公羊夔
作隗地理志南郡

杵歸歸鄉故歸國水經江水註樂緯曰昔歸典叶聲律
宋忠曰歸卽夔歸鄉蓋夔鄉矣古楚之嫡嗣有熊摯者
以廢疾不立而居于夔爲楚附庸後王命爲夔子按夔
歸隗音近字可通假夔是古文正字冬楚人伐宋圍緡
公以楚師伐齊取穀公至自伐齊

二十有七年春杞子來朝

夏六月庚寅齊侯昭卒

穀梁音義

昭或作照非

齊世家孝公卒孝公弟潘因衛公子開方殺

孝公子而立潘是爲昭公秋八月乙未葬齊孝公乙

巳公子遂帥師入杞冬楚人陳侯蔡侯鄭伯許男圍

宋十有二月甲戌公會諸侯盟于宋

二十有八年晉侯侵曹晉侯伐衛公子買戍衛不卒戍

春秋左傳註卷一

十一

刺之鬪經言買傳言叢蓋名買字叢

本說文買市也从

网貝孟子曰登壘斷而网市利又叢聚也从聿取聲按

取非聲當作从聿聚省市買聚天下之貨故買以叢爲

字周禮司刺掌三刺之法一刺曰訊羣臣再刺曰訊羣

吏三刺曰訊萬民鄭元云刺殺也訊而有罪則殺之訊

言也內殺大夫此及成十六年刺公子偃皆書刺者用

三刺之法問臣吏萬民皆言合殺乃始殺之亦不在濫

楚人救衛三月丙午晉侯入曹執曹伯畀宋人夏

四月己巳晉侯齊師宋師秦師及楚人戰于城濮楚師

敗績楚殺其大夫得臣衛侯出奔楚五月癸丑公會

晉侯齊侯宋公蔡侯鄭伯衛子莒子盟于踐土陳侯如

會公朝于王所 六月衛侯鄭自楚復歸于衛衛元咺
出奔晉 陳侯款卒 秋杞伯姬來 公子遂如齊

冬公會晉侯齊侯宋公蔡侯鄭伯陳子莒子邾子秦人

于温今本邾子作邾人唐石經岳本 天王狩于河陽釋文

狩本又作守公羊亦 穀梁傳曰水北為陽山南為陽

温河陽也水經河水註曰服虔賈逵曰河陽温也郭緣

生述征記曰踐土今冶坂城是河陽城故縣也在冶坂

西北蓋晉之温地今考冶坂城其下為冶坂津在今孟

縣西南而踐土在今滎澤縣西北王官城之內故道元

辨其非壬申公朝于王所 晉人執衛侯歸之于京師

衛元咺自晉復歸于衛 諸侯遂圍許 曹伯襄復歸

春秋左傳諸卷二

七

于曹遂會諸侯圍許

二十有九年春介葛盧來地理志琅邪郡黔陬故介國

也公至自圍許 夏六月會王人晉人宋人齊人陳人

蔡人秦人盟于翟泉後漢志註引作狄 郡國志河南

雒陽周時號成周有狄泉在城中注曰蓋本在城外定

元年城成周乃繞之狄大雨雹 冬介葛盧來

三十年春王正月 夏狄侵齊 秋衛殺其大夫元咺及

公子瑕衛侯鄭歸于衛 晉人秦人圍鄭 介人侵蕭

冬天王使宰周公來聘 公子遂如京師遂如晉

三十有一年春取濟西田 公子遂如晉 夏四月卜

郊不從乃免牲猶三望周禮大宰祀五帝前期十日

師執事而卜日然則將祭必十日之前豫卜之也言四
卜郊者蓋三月每旬一卜至四月上旬更一卜乃成爲
四卜也此言四卜郊不從襄七年三卜郊不從公羊傳
曰曷爲或言三卜或言四卜三卜禮也四卜非禮也三
卜何以禮求吉之道三今左傳以爲禮不卜常祀則一
卜亦非不云四非而三是異於公羊說四時迎氣冬至
夏至郊天等雖有常時常日猶須審慎仍卜日故表記
云不犯日月不違卜筮註日月謂冬夏至正月及四時
所不違者日與牲尸也假令不吉改卜後日故箴膏肓
云天子郊以夏正上旬之日魯之卜三正下旬之日是
雖有常時常日猶卜日也

本疏及周禮疏杜取此

秋七月 冬杞

春秋左傳詁卷二

三

伯姬來求婦 狄圍衛十有二月衛遷于帝丘

地理志東郡濮陽衛成公自楚丘徙此故帝丘顛項墟此杜本

三十有二年春王正月 夏四月己丑鄭伯捷卒

公羊捷字同 按古今人表作捷蓋傳寫誤衛人侵狄 秋衛

人及狄盟 冬十有二月己卯晉侯重耳卒

三十有三年春王二月秦人入滑 齊侯使國歸父來聘

夏四月辛巳晉人及姜戎敗秦師于殽

亦無師字 癸巳葬晉文公 狄侵齊 公伐邾取訾婁

取叢穀 梁 秋公子遂帥師伐邾 晉人敗狄于箕

國志太原郡陽邑有箕城此 冬十月公如齊十有二

月公至自齊 乙巳公薨于小寢 隕霜不殺草李梅

實 晉人陳人鄭人伐許

文公

元年春王正月公即位 二月癸亥日有食之公羊作天

王使叔服來會葬 夏四月丁巳葬我君僖公 天王

使毛伯來錫公命 晉侯伐衛 叔孫得臣如京師

世本桓公生僖叔牙牙生戴伯茲茲生莊叔得臣得臣

生穆叔豹衛人伐晉 秋公孫敖會晉侯于戚 冬十

月丁未楚世子商臣弑其君頽穀梁頽作覽史記楚世家作暉漢書年表人表

同 公孫敖如齊

二年春王二月甲子晉侯及秦師戰于彭衙秦師敗績

丁丑作僖公主 三月乙巳及晉處父盟 夏六月公

春秋左傳詁卷一

十四

孫敖會宋公陳侯鄭伯晉士穀盟于垂隴穀梁作士

作垂隴京相璠曰垂隴鄭地今滎陽東二十里有故垂

隴城水經郡國志滎陽有隴城杜同自十有二月不雨

至于秋七月 八月丁卯大事于大廟躋僖公 冬晉

人宋人陳人鄭人伐秦 公子遂如齊納幣

三年春王正月叔孫得臣會晉人宋人陳人衛人鄭人伐

沈沈潰郡國志汝南郡平輿有沈亭故國姬姓此杜同

夏五月王子虎卒 秦人伐晉 秋楚人圍江 雨螽

于宋 冬公如晉十有二月己巳公及晉侯盟 晉陽

處父帥師伐楚以救江公穀皆無以字

四年春公至自晉 夏逆婦姜于齊 狄侵齊 秋楚人

滅江 晉侯伐秦 衛侯使甯俞來聘 冬十有一月

壬寅夫人風氏薨 五經異義稱故春秋左氏說成風

妾得立為夫人母以子貴禮也駁五經異義父為長子

三年眾子期明無二嫡也女君卒繼攝其事耳不得復

立為夫人 禮記疏

五年春王正月王使榮叔歸含且賵 釋文含本又作哈文哈送終口中玉

賵服云含賵當異人今一人兼兩使故書且以議之按

鄭康成箴膏肓云禮天子二王後之喪含為先槨次之

賵次之賵次之于諸侯含之賵之小君亦如之含之下

既有先後次第則每事遣一使可知即如正義譏賈云

春秋之世風教凌遲吉凶賀弔罕能如禮王之崩葬魯

春秋左傳詁卷二

十五

多不行魯之有喪寧能盡至及備禮云云此依時勢立

言非制禮本意公羊及賈服並據常禮為說又經文著

且字顯有禮文不備之意正義以此譏賈非也三月辛

亥葬我小君成風王使召伯來會葬 穀梁作毛伯范甯云疑誤 夏公

孫敖如晉 秦人入都 地理志南郡若郡國志作都

侯國按舊注亦不言都所在今攷傳云都叛楚即秦是

都國在秦楚之間地理志南陽郡若本秦縣故城在今

宜城縣東南去武關不遠正秦楚兩國界也玉篇亦云

都秦楚界小國秋楚人滅六 地理志六安國六故國

皇陶後偃姓為楚所滅 杜本 冬十月甲申許男業卒

六年春葬許僖公 夏季孫行父如陳 世本公子友生

齊仲齊仲生無逸無逸生行父按穀梁疏引世本又云

季友生仲無佚無佚生行父范甯注行父季友生生即

孫也與杜注同今本杜注作季孫友子大誤秋季孫行

父如晉 八月乙亥晉侯驪卒 公羊作驪 冬十月公子

遂如晉葬晉襄公 晉殺其大夫陽處父 晉狐射姑

出奔狄 穀梁作狐夜姑 閏月不告月猶朝于廟

七年春公伐邾 三月甲戌取須句 公羊傳作須胸 遂城

部 說文部東海縣故紀侯之邑也郡國志魯國卞有

部 鄉城 杜同 夏四月宋公王臣卒 穀梁作王臣 宋人殺其大

夫 戊子晉人及秦人戰于令狐 晉先蔑奔秦 公羊

先味以師奔秦石經 狄侵我西鄙 秋八月公會諸侯

春秋左傳諸卷一

十六

晉大夫盟于扈 國志河南郡卷有扈城亭 杜同 扈

道元云竹書紀年晉出公十二年河絕于扈即此冬徐

伐莒 公孫敖如莒 洺盟

八年春王正月 夏四月 秋八月戊申天王崩 冬十

月壬午公子遂會晉趙盾盟于衡雍 乙酉公子遂會

洛戎盟于曩 公羊作伊雒戎釋文本或作伊 公孫敖如

京師不至而復丙戌奔莒 公羊無而字石 宋人殺

其大夫司馬宋司城來奔

九年春毛伯來求金 夫人姜氏如齊 二月叔孫得臣

如京師辛丑葬襄王 晉人殺其大夫先都 三月夫

人姜氏至自齊 晉人殺其大夫士穀及箕鄭父 鬬賈

達云箕鄭稱及非首謀本疏按箕鄭上軍將士穀下軍將

傳文亦先箕鄭而後士穀今顧于士穀下言及箕鄭明

非首謀故書法如此正義糾賈非也襄二十三年陳殺

其大夫慶虎及慶寅亦同此例楚人伐鄭 公子遂會

晉人宋人衛人許人救鄭 夏狄侵齊 秋八月曹伯

襄卒 九月癸酉地震 冬楚子使椒來聘穀梁椒作荻秦

人來歸僖公成風之襚公羊傳曰衣被曰襚此本按

釋文曰說文作祝云贈終者衣被曰祝為衣死人衣葬

曹共公

十年春王三月辛卯臧孫辰卒 夏秦伐晉 楚殺其大

夫宜申 自正月不雨至于秋七月 及蘇子盟于女

春秋左傳詁卷二

十七

栗 冬狄侵宋 楚子蔡侯次于厥貉公羊作屈貉

十有一年春楚子伐麋公羊麋作磨穎容釋例云麋在

當陽縣境夏叔彭生會晉卻缺于承匡匡諸本誤作筐今從岳本訂正

服虔云叔仲惠伯史記集解按經文叔字下衍一仲字今

從石經及淳化本削去與公穀亦合漢書志及水經注

亦作叔彭生今攷衍仲字蓋因傳文而誤京相璠曰今

陳畱襄邑西三十里有故承匡城水經注郡國志同杜同此秋曹伯

來朝 公子遂如宋 狄侵齊 冬十月甲午叔孫得

臣敗狄于鹹服虔曰魯地也史記集解

十有二年春王正月郟伯來奔公羊傳盛杞伯來朝 二月

庚子子叔姬卒 夏楚人圍巢地理志廬江郡居巢

應劭曰楚人圍巢巢國也杜本秋滕子來朝秦伯使

術來聘公羊術作遂古字通冬十有二月戊午晉人戰于河

曲史記集解服虔云河曲晉地史記集解季孫行父帥師城諸及鄆

公羊鄆作運地理志琅邪郡諸師古曰春秋城諸及鄆者

郡國志琅邪國東莞有鄆亭杜同

十有三年春王正月夏五月壬午陳侯朔卒邾子遽

蔭卒公穀本皆作遂蔭自正月不雨至于秋七月大室屋壞

公羊作世室賈服等皆以為太廟之室也本服虔云太室

太廟之上屋也北史冬公如晉衛侯會公子沓公羊無公

字狄侵衛十有二月己丑公及晉侯盟公還自晉

公穀皆無公字鄭伯會公子棐公羊作斐按郡國志河南苑陵縣

春秋左傳諸卷二

六

有棐林劉昭注左傳宣元年諸侯會于棐林杜預曰縣

東有林鄉杜春秋地名作林亭據此則棐即棐林或苑陵縣更有

棐鄉矣

十有四年春王正月公至自晉邾人伐我南鄙叔彭生

帥師伐邾夏五月乙亥齊侯潘卒六月公會宋公

陳侯衛侯鄭伯許男曹伯晉趙盾癸酉同盟于新城

郡國志梁國穀孰有新城杜同道元云睢水又逕新城

北即宋之新城亭也秋七月有星孛入于北斗釋文引稽康字

音何休公羊傳字者何彗星也杜本公至自會晉

人納捷菑于邾弗克納公羊作捷菑按晉人左傳以為趙

盾公羊以為卻缺穀梁以為卻克今攷卻克乃傳寫之

誤九月甲申公孫敖卒于齊 齊公子商人弑其君舍

宋子哀來奔 冬單伯如齊 齊人執單伯 齊人

執子叔姬歸服虔云子殺身執閔之故言子為在室辭

本疏

十有五年春季孫行父如晉 三月宋司馬華孫來盟

夏曹伯來朝 齊人歸公孫敖之喪 六月辛丑朔日

有食之鼓用牲于社 單伯至自齊 晉卻缺帥師伐

蔡戊申入蔡 秋齊人侵我西鄙 諸本皆脫秋字今據宋本增入 季孫

行父如晉 冬十有一月諸侯盟于扈 十有二月齊

人來歸子叔姬 齊侯侵我西鄙遂伐曹入其郛

十有六年春季孫行父會齊侯于陽穀齊侯弗及盟 石經本脫

春秋五傳話卷二

十九

春字後 夏五月公四不視朔 六月戊辰公子遂及齊

侯盟于鄆 公羊作菑丘穀梁作師丘 惠棟曰今公羊作犀丘鄆

本有西音釋文是毛詩衡門曰可以棲遲前發碑作西

遂此其證也 秋八月辛未夫人姜氏薨 毀泉臺 楚

人秦人巴人滅庸 冬十有一月宋人弑其君杵臼 公羊

作處白

十有七年春晉人衛人陳人鄭人伐宋 夏四月癸亥葬

我小君聲姜 公羊作聖姜 齊侯伐我西鄙歸服虔以為再來

伐魯西鄙書北鄙不書諱仍見伐 本疏 六月癸未公及齊

侯盟于穀 諸侯會于扈 秋公至自穀 冬公子遂

如齊

十有八年春王二月丁丑公薨于臺下 秦伯營卒 夏
五月戊戌齊人弑其君商人 六月癸酉葬我君文公
秋公子遂叔孫得臣如齊 冬十月子卒 夫人姜
氏歸于齊 季孫行父如齊 莒弑其君庶其歸劉賈
許穎以爲君惡及國朝則稱國以弑君惡及國人則稱
人以弑本疏

07685

